

Na osnovu Aneksa VIII Pravilnika o uvjetima zdravlja životinja koji se primjenjuju na životinje akvakulture i njihove proizvode, te sprječavanju i suzbijanju određenih bolesti vodenih životinja („Službeni glasnik BiH“, broj 28/11) i Priloga I, Poglavlja G, tač. 1. i 2. Programa mjera zdravstvene zaštite životinja i njihovog provođenja u 2018. godini („Službeni glasnik BiH“, br. 15/18) direktor Ureda za veterinarstvo Bosne i Hercegovine donosi

UPUTSTVO
O PROGRAMU MONITORINGA VIRUSNIH BOLESTI RIBA
ZA 2018. i 2019. GODINU

Član 1.
(Predmet)

Ovim Uputstvom utvrđuje se način i obim nadzora virusnih bolesti riba za 2018. i 2019. godinu u cilju pravovremenog otkrivanja virusa virusne hemoragijske septikemije i zarazne hemoragijske nekroze kod salmonidnih vrsta riba.

Član 2.
(Laboratorija)

Provedenim postupkom javne nabavke za provođenje ovog Uputstva, određena je grupa ponuđača kojeg čine Veterinarski fakultet u Sarajevu i Hrvatski veterinarski institut Zagreb kao laboratoriji koji će vršiti laboratorijsko testiranje uzoraka u skladu sa Okvirnim sporazumom broj: 07-3-50-4-783-11/18 od 10.10.2018. godine.

Član 3.
(Broj uzoraka)

(1) Maksimalni broj zbirnih uzoraka predviđenih za implementaciju ovog Uputstva u 2018. i 2019. godini za salmonidne vrste iznosi 290 zbirnih/puliranih uzoraka riblje mlađi i 100 zbirnih/puliranih uzoraka ovarijalne tečnosti.

(2) Zbirni uzorci ribe iz stava (1) ovog člana trebaju biti uzeti u skladu sa odredbama Prilogom I, Poglavljem G, tač. 1. Programa mjera zdravstvene zaštite životinja i njihovog provođenja u 2018. godini („Službeni glasnik BiH“ br. 15/18), (u daljem tekstu: Program) i Pravilnika o uvjetima zdravlja životinja koji se primjenjuju na životinje akvakulture i njihove proizvode, te sprječavanju i suzbijanju određenih bolesti vodenih životinja („Službeni glasnik BiH“, broj 28/11), (u daljem tekstu: Pravilnik).

(3) Uzorkovanje će se provoditi dvokratno u razdoblju od oktobra 2018. do juna 2019. godine dok je temperatura vode ispod 14°C. Vremenski razmak između dva uzorkovanja mora iznositi najmanje 4 mjeseca.

Član 4.

(Dostavljanje riba na testiranje)

- (1) Nadzor i uzorkovanje riba će se obavljati na svim registriranim ribogojilištima u BiH po planu uzorkovanja koji načini laboratorij, a koji bude odobren od strane Ureda.
- (2) Uzorkovanje će obavljati predstavnici laboratorija pod nadzorom veterinarskih inspektora nadležnih za registrirane ribnjake nakon što od Ureda dobiju nalog za uzorkovanje.
- (3) Sve ribe dostavljene u laboratorij moraju biti praćene odgovarajućom dokumentacijom i zapisnicima o dostavljanju uzoraka u kojima je navedena vrsta ribe, starost, klinički znakovi, temperatura vode i lokacija sa koje je uzorak uzet.

Član 5.

(Vrste riba)

- (1) Ciljne vrste za provođenje nadzora virusnih bolesti riba su salmonidne vrste riba u skladu sa Pravilnikom.
- (2) Preporučena kategorija riba po OIE Dijagnostičkom priručniku za akvatične životinje je mlađ, te odrasle ribe - matice od kojih će se uzimati ovarijalna tečnost.

Član 6.

(Uzimanje uzoraka)

Procedure uzimanja uzoraka se izvode u skladu sa Prilogom I, Poglavljem G, tač. 1. Programa i Aneksom VIII, dio I, Pravilnika.

Član 7.

(Laboratorijsko testiranje)

- (1) Laboratorijsko testiranje se izvodi u skladu s Pravilnikom.
- (2) Metode koje je potrebno uraditi na dostavljenim uzorcima su navedene u tehničkoj specifikaciji provedenog postupka javnih nabavki kako je navedeno u članu 2. ovog Uputstva.

Član 8.

(Izvjestavanje)

- (1) Veterinarski fakultet u Sarajevu kao predstavnik grupe ponuđača će o rezultatima laboratorijskog ispitivanja dostavljati Uredu laboratorijske izvještaje u skladu sa Okvirnim sporazumom iz člana 2. ovog Uputstva.
- (2) U slučaju potvrđenih pozitivnih slučajeva virusnih bolesti riba, izvještavanje se vrši u skladu sa Odlukom o zaraznim bolestima životinja („Službeni glasnik BiH“, broj 44/03).

Član 9.
(Finansiranje)

(1) Provođenje dijagnostičkih pretraga u sklopu nadzora snosi Ured za veterinarstvo Bosne i Hercegovine, a u iznosu utvrđenom u provedenom postupku javne nabavke.


(2) Veterinarski fakultet u Sarajevu za potrebe ostvarivanja naknade za provedene pretrage i druge usluge definisane ugovorom dužan je Uredu dostaviti izvještaj o provedenoj pretrazi, kao i ostalu prateću dokumentaciju u skladu sa članom 4. stav (3) ovog Uputstva.

Član 10.
(Prelazne i završne odredbe)


Ovo Uputstvo stupa na snagu danom donošenja.

Broj: 02-3-02-2-866-1/18

Datum: 05.11.2018



DIREKTOR


Ljubomir Kalaba